

Family Variables and Self Concept Variables (Part 18)

Siti Sarawati Binti Johar

5.1.2 Gaya autoritatif

Dalam hal ini, ibu bapa lebih gemar mengenakan peraturan ataupun had-had batasan tingkah laku tertentu tetapi membenarkan komunikasi bersifat terbuka. Sifat-sifat dan gaya didikan ibu bapa yang bercorak autoritatif adalah seperti :

- Anak-anak diberi kebebasan membuat keputusan sendiri dalam perkara-perkara tertentu.
- Lebih fleksibel dan rasional dalam sikap dan perspektif sesuatu isu keluarga.
- Mengenakan kawalan tegas tetapi membenarkan kebebasan beransur-ansur yang bersesuaian dengan tahap perkembangan anak.
- Had-had batasan tingkah laku dikenakan tetapi individualiti anak tetap diambil kira.
- Menggalakkan toleransi secara verbal dan menjelaskan sebab akibat di sebalik hukuman yang dikenakan.
- Memberikan penjelasan tentang nilai-nilai mereka serta menaruh harapan tinggi kepada anak supaya dapat menerima dan mematuhi.
- Lebih menggalakkan sifat autonomi dan arah sendiri tetapi turut mengajar anak bertanggungjawab ke atas tingkah laku sendiri.
- Agak peramah dan tidak melihat diri sebagai individu yang terasing serta individu yang tidak membuat kesilapan walaupun berperanan sebagai ketua keluarga.
- Memastikan setiap anak menyumbang peranan dan tanggungjawab sebagai ahli keluarga mengikut kemampuan masing-masing.
- Bersikap responsif, sentiasa memberikan dorongan dan mampu untuk menghormati kepentingan dan keputusan anak. Ibu bapa begini biasanya adalah mesra tetapi tegas.

Hasil pemerhatian Baumrind,ⁱ kanak-kanak yang dibesarkan oleh ibu bapa autoritatif lebih bertendensi untuk menjadi bertenaga, aktif, suka meneroka, memiliki rasa ingin tahu yang kuat, berdedikasi, boleh mengawal diri, sentiasa berpuas hati dengan keadaan diri, menerima apa keadaan dengan rasional dan bersikap positif dengan individu lain.

CONTINUE...